

Abogado Helen Lejuez a bisa cu e lo haci su best pa famia Beth Twitty, pa cu e caso di su yiu muher perdi

ORANJESTAD (AAN): DIARIO ayera a combersa cu abogado Helen Lejuez, kende recientemente a worde acerca pa Beth Twitty, pa asisti nan como abogado. DIARIO a puntra e abogado di con nan a pidie pa e traha

cu nan. Sra Lejuez a splica cu quizas esaki tin di haber cu e experiencia extenso cu e tin den casonan penal. El a bisa tambe cu nan a pidie si e por duna un opinion mas riba e caso.

E caso ta bastante avanza y nan kier ta sigur cu tur cos cu por a worde haci, a worde haci.

DIARIO a puntra si e famia ta contento con e caso ta bayendo, sinembargo Lejuez a splica cu e no por contesta

esaki, pero ta asina cu nan tin preocupacion pa cu e caso, cu por tin di haber cu e echo cu nos leynan ta diferente di nan leynan.

Segun e abogado nan ta preocupa cu e echo cu e caso no a worde resolvi.



DIARIO a puntra Lejuez cu si awor e famia tin dos bufete di abogado ta traha pa nan, unda cu e abogado a confirma esaki.

Tambe a puntra si e bufetenan tin contacto cu otro, sinembargo Lejuez a splica cu ainda esey no a pasa pa falta di tempo, sinembargo den curso di siman esaki lo sosode, despues cu el a haya un oportunidad chikito pa combersa cu abogado Mohamed caba.

Lejuez a splica cu awor cu e ta bay ta mas den e caso, e ta bay studia tur documento, wak y tende tur noticia y haci su esfuerzo maximo pa yuda e famia, den tur loke e por.

Drechamento di Wilhelminastraat fase 2

ORANJESTAD (AAN): Director di DOW ta participa cu lo cuminsa dialuna 29 augustus cu trabaonan di drechamento di caminda di Wilhelminastraat fase 2 di Columbusstraat te cu Kruisweg. Duracion di e trabaonan ta di mas o menos 5 dia.

Nos ta pidi disculpa pa e inconveniencia cu esaki por causa.